



Broj: 04-40-1-21/23
Sarajevo, 22.01.2023. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 21.01.2023. do 08:30 sati 22.01.2023. godine

Gorska služba spašavanja Kantona Sarajevo: nakon jučerašnje cjelodnevne potrage za nestalim licem na području Općine Hadžići, akcija je obustavljena jučer (subota) oko 16:00 sati i bit će nastavljena danas (nedjelja) u 08:00 sati. U akciji je jučer učestvovalo 36 spasilaca iz GSS stanica Sarajevo i GSS Kantona Sarajevo.

Kantonalna uprava civilne zaštite Kantona Sarajevo Pripadnici Profesionalne vatrogasne jedinice Kantonalne uprave civilne zaštite Kantona Sarajevo, u izvještajnom periodu imali su tri manje intervencije, od čega dvije tehničke. Jedna požarna intervencija se odnosi na spaljivanje dimnjaka poslovnog subjekta, dok se tehničke odnose na uklanjanje oborenog stabla i sapiranje platforme na Međunarodnom aerodromu Sarajevo.

Iz općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektrodistribucija Sarajevo: Snadbijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snadbjeveni prirodnim gasom.

KJKP Vodovod i kanalizacija: Vodosnadbijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila -2°C, vlažnost zraka 96%, barometarski pritisak 939,9 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
DEŽURNI OPERATIVAC
Mladen Lučić

Dostavljeno:

- Direktor KUCZ Kantona Sarajevo
- Federalnom operativnom centru civilne zaštite
- a/a